

Кузь нэм да бур шуд!

Эжа йывлөн слава

Елена Семёновна Шомысова

Чужис 1927 вося апрель 11 лунё Скөрөдумын. Уна во уджалис «Россия» колхозын, «Помоздинской» совхозса Скөрөдум отделениеын лыстысьсысьён. Социалистической ордысьёмын вермысь. Бөрйылысны сиктсөветса депутатён.

Быдтис да велөдис өти пиёс.

Бур уджсё пасйёма коймөд тшупода Трудёвөй Слава орденён, «Уджывса ветеран» да юбилейной медальясён.

Кувсис 2006 вося август 16 лунё Скөрөдумын.



Звезда Севера

Эжа йывса войтырлөн газет

Петё 1929 восянь

Воторник, 2011 вося март 15 лун 31 (10306)-өд №

Черийд
косінын
03 06

(коми шусьёг)

ТӨДӨЙ, МЫЙ ВЫЛЫС

ДЕПУТАТЛӨН ЗІЛЬӨМӨН

Райсөветлөн бөръя заседание вылын райсөветса депутатъяс вичмөдісны 200 сюрс шайт Дереваннойса школалысь вевтсё дзоньталөм вылө.

Тані ыджыд пайыс школаын велөдысь, райсөветса вөвлөм депутат М.А.Нестеровалөн.

- Ме нель во чөж райсөветса депутаталігөн корси сьом школалысь вевтсё дзоньталөм вылө, - висьталіс Мария Андреевна. - И сөмын өні сетісны сьомсё. И талы зэв рад. Сэкжө Дереваннойо туй дзоньтавы эг вермы, көть и зіли тайёс вөчны.

ПРУПТЛӨН МЕДСЯ УНА

СЛПК улө пырысь предприятиеяс во заводчөмсынь кык төлысьён заптисны да кыскисны 173,6 сюрс кубометр вөр, кольбөм вося дінө 111,8 процент.

Кулөмдіна филиалын медся уна, 57,7 сюрс кубометр, заптис Пруптса юкөн. Тані колө пасйыны, мый ыджыд пайыс «Севлес Форест Логистик» котырлөн, көні уджалө нель комплекс финской техника. Немса юкөн заптис 46,1, Тимшерса - 21,9 сюрс кубометр вөр.

ВЕРМИС КОНКУРСЫН

Март 11-өд лунё помасис «Попади в «Десяточку!»» акциялөн медводдза юкөн. Вермис республикаса конкурсын миян районьыс Помөсдіна олысь Игорь Воловиков. Сылы вичмис «Yamaha» буран.

Бурансө сетіс «Опора России» ичөт да шөр предпринимательстволөн Ставроссияса өгувъя котырысь Коми республикаса юкөнысь исполнительной директор Владимир Кононов.

- Ме зэв рад, мый вермысьён лоис сиктса олысь, - пасйис сійө. - Тайё висьталө сы йылысь, мый сиктса олысьяс ёнджыка сюртчөны акциясё.

Игорь Воловиков атгьөалис конкурс котыртысьясёс.

- Меным везитіс, - висьталіс сійө. - Нуөдөм йылысь адзи Интернетысь да мөдөді некымын частушка. И со лои вермысьён. «Бурансө» сета Помөсдіна лыжной базалы. Ме ачым сәні котралі лыжи вылын. И «Бураныс» ньөти абу жаль. Өд сійө отсалас челядьлы шедөдны ыджыдджык спортивной вермөмъяс весиг Россияса ордысьёмъясын.

КОЛЬӨДІСНЫ ТӨВ

Март 13-өд лунё Кулөмдінын кыпыда кольбөдисны төв.

Юрсиктса культура керка водзын чукөртчылысьясөс гажөдісны культура керкаса уджалысьяс, ветераньяслөн «Красная звезда» хор да «Июль» котыр. Котыртлісны ордысьёмъяс да ворсөмъяс. Вузасисны пөсь чайон да пөжасьясөн.

Асланым да общ. корреспондентъяс.

БӨРЙЫСЬӨМ МУНИС КЫВКУТӨМӨН



Бөрйысян лунө көкъямыс час асылын Носимса бөрйысян участокын йөзис вичысисны нин, кор позяс сетны гөлөснысө кандидатъяс вөсна. Квайт морта бөрйысян комиссия дась вөлі примитны сиктсаясөс.

- Ставыс миян артавсьё 207 бөрйысьысь, - висьталіс бөрйысян комиссия председателі Н.Н.Зезегова. - Чайтам, мый некод веськодьон оз ло да ставныс воласны да сетасны гөлөснысө колана кандидатъяс вөсна. Олөма, вермытөм йөздорө ветлам гортөдэныс. Татшөмыс 11 морт. Кы

тшовтасны найөс Е.А. Турьев да Е.С.Немцова, комиссияю пырысьяс. Бөрйысьыны локтөмаяс пөвстысь медводз гөлөсуйтис В.Ю.Щелчков.

- Окога вөлі гөлөсуйтны медводдзаон, со гөтыркөд, Людмила Андриановнакөд, водз и локтім, - юксис Владимир Юрьевич. - Быд бөрйысьөм вылө на волім. Олөмыс өні сьөкыд, том йөзлы удж оз сюр. Пыр эскам, мый выль бөрйөмаяс бурмөдасны олөмсө. И өні локтім бөрйысьыны тайө надеянас: челядьлы да внучкучкалы мед кутшөмкө

да конкнөд нин вөлі.

Кыпыд шылад улө гөлөсуйтны вочасөн матыстчалісны и мукөдыяс. Бөрйысьөмаяслы сеталісны ленточкаяс, а петіганыс вежисны найөс календаръяс вылө. Быдөнлөн, көнкө, вөлі гуся көсийөм, мед пудъясигөн машинаыс усисналы. Гашкө, кодлыкө и нюмдыштас шудыс.

Татчөс бөрйысян участокын дас часөдз гөлөсуйтис нин 40 морт, 12 часөдз - 72, квайт час рыт кежлө - 136 морт. Ставнас бөрйысис 144 морт, коланасысь 68 процентъяс.

Мукөд восясө, кызд шуө бөрйысян комиссияса председателі Н.Н.Зезегова, волөны унджыкөн, матө 80 процентъяс. Помкаыс сыын, мый унаон олөны бокрын, көть лыддысьсөны тайө сиктсас олысьясөн. Векжө бөрйысьөмъяс колисны, Наталья Николаевна серти, эз лөка, ыджыд кывкутөмөн.

Галина НЕСТЕРОВА.

Авторлөн снимокъяс вылын: бөрйысян комиссия; гөлөсуйтө В.Ю. Щелчков; бөрйысьөм бөрын сетөны календар Л.А.Щелчковалы.





Куломдінысь «Саша» магазинын вузасысь

Катрина Ивановна Напалкова:

«Виль бөрйом районса юралысь мед ыджыд төдчанлун сетіс том йозлы: мед вөлі позянлун налы велөдчыны, аддзыны сьөлөм серти удж, семьитчөм бөрын лөсьөдны оланін, челядыныслы - садикын места».

РАЙОНЛОН ВӨР ОВМОС

БУРЛАНЬО ВЕЖСЬОМЪЯС

Районса экономикаын медыджыд пай вөр лэдзөмлөн. Вөр запас серти ми босьтам республикаын мөдөд места. Ставыс районын 347,4 миллион кубометр вөр. Лэдзны шогмө 277,1 миллион кубометр. Быд во позьо лэдзны 4,3 миллион кубометр вөр.

Кольөм воын лэдзис вөр 28 котыр, а сідзжө ас выло 37 уджалысь, ставыс 1600 морт. Найо лэдзисны 1,43 миллион кубометр вөр, мый 2009 воын серти 5,8 процентон унджык. Медуна вөр заптисны «Финлескомлөн» Усть-Куломской да Верхне-Вычегодской филиалыяс - 995,1 сюрс кубометр, либө став вөрсы 70 процент.

Бура уджало «Комилесбизнес», кодї заптис 108,3 сюрс кубометр, вөчис 10,7 сюрс кубометр пиломатериал.

Сьөкылдунгяс выло видзөдтөг, водзө уджалоны ичөт котыргяс да предпринимательяс, кодгяс заптисны 144 сюрс кубометр, вөчисны 28,6 сюрс кубометр пиломатериал - ставсыс джынсө.

Пиломатериалгяс вөчөмөн мөдөд во медводзын В.В.Белый, кодлөн котырыс вөчис 17,3 сюрс кубометр. Тайо юкөнын кольөм воын бура сідзжө уджалысны «Помөсдінса лесхоз», «Декко», «Оптималес» да мукөд котыргяс.

Кольөм воын мунис пургясон 370 сюрс кубометр, мый 2009 воын серти 6 сюрс кубометрөн этшаджык. «Эжвадорстрой» вөчис 124 километр туй, кыгтї позьо кыскыны вөр во гөгөр чөж. В.В.Белый вөвлөм векни көрт туй пыдди вөчис 48 километр во гөгөр чөж кыскан туй. Откодялөм выло: 2009 воын район вөчис 80 километр туй.

Вөрын уджаліс Канадаса өти да Финляндияса 25 комплекс. Найо заптисны став вөрсы 85 процентө. «Харвестергяс» да «форвардергяс» выло колөны бура дасгысьөм машинист-операторгяс, механикгяс, компьютерон уджавны кужысь специалистгяс. Вөр юкөнлы колөны шөр специальной да вылын тшупода төдмөлунгяса специалистгяс-мастергяс, техникгяс да инженергяс. Вөрын пөрөдчөны и важ ногөн. Колөны трактористгяс, вөр кыскысь водителгяс, туй вөчөм могысь бульдозергяс, экскаваторгяс да машинагяс вылын уджалысыяс.

Вөр көртгымын 21 предпрятиелөн, кодгяслы быд во позьо пөрөдны 3,95 миллион кубометр вөр. Медся гырысысыс «Монди Сыктывкарса ЛПК» да «ЦентроВудКом».

Кольөм воын вынсьөдөма кокньод серти олысь йөзс да буджетса котыргясөс пескөн, вөрөн да пиломатериалгясөс могмөдөм кузя районса программа. Сійөс оломө портөм могысь республикаса вөр комитет торйөдіс 130,6 сюрс кубометр вөр. Аукцион выло петкөдөма 49 лот, ставсө 71,4 сюрс кубометр. Пөрөдөма вөрсө 42 участок вылысь, ставсө 66,6 сюрс кубометр. 2011 во кежлө кырымалөма предпрятияскөд да ас выло уджалысыяскөд тайо программасө оломө портөм могысь 34,2 сюрс кубометр пес вайөм выло 42 сёрнитчөм. Кызь участокусь вөрсө босьтөма нин, мукөдлаас пөрөдчөны на. Пескөн, вөрөн да пиломатериалгясөс могмөдан районса программа сетіс позянлун могмөдны уджөн 160 мортөс.

Вөр лэдзан юкөн сөвмөдан сёрнион кольөм воын вөлі нель чукөртчылөм, Югыдгягын мунис «Вөр лэдзисы-2010» конкурс.

Водзө выло вөр лэдзан юкөн сөвмөдөм кузя медшөр туйвизгясон лооны: «Монди Сыктывкарса ЛПК» комбинатлысь «Степ» бала збыльмөдөм, Кебангьельысь «ЦентроВудКомлысь» завод кыпөдөм, омөлө вөрысь ломтас вөчөм. Найөс збыльмөдөм сетас позянлун пуктыны районлөн бюджетө унджык сьөм, кыпөдны удждон, востыны содтөд уджалан местаяс.

Ирина ГУЛЫНИНА,
районса администрациясы экономика да вот юкөнөн веськөдлысь.

НЕКОДЛЫ КОВТӨМӨСЬ?

Кыдзи нин олөны-вылөны юрсиктсыянь медся ылі Югыдтыдорын? Тайөс төдмалөм могысь ветлім сэтчө Діасёргяса юралысь А.А.Поповакөд да районса администрациясы туйяс вөсна кывкутысь В.Д.Шебыревкөд.

Помөсдінсыянь Діасёргя пыр вөрсә туйөд Югыдтыдорөдз 78 километр. Діасёргясыянь туйяс бурджык сөмын некымын километр. Мыйон кежө Помөсдінса леспрохозон вөчлөм трасса вылысь, туй нимсө воштө. Коркө ордымавлөмаось ветлыны верзөмөн, бөрүнджык паськөдыштөмаось кыскыны вөр. Абу лэптыштөмаось ни кодйөмаось канавагяс. Зэв векни, уналаті кык машина оз төр. Гожөмнас сөмын кос поводдя дырйи псытан ыджыд машинаон. Лым сьлөмсыянь некод оз видзөдлы сы бөрся. Сөмын төвнас дөзьөр улө босьтлө туйяс дзоньталысь да вөчысь участок. Помөсдінсыянь Діасёргяөдз туй весалөм выло сьөм сетө район, а водзө Югыдтыдорөдз унджыкөс торйөдөны республикалөн бюджетсыя.

- Сьөмысь оз тырмы, - висьталіс участоклөн Помөсдін юкөнсыс мастер Иван Николаевич Беляков, кор кайлім тшөтш Югыдтыдорө. - Төлысьөн вермам весавны сөмын куимысь, а колө вежоннас көтө өтчөд.

Югыдтыдорын кутөны важник Т-130 бульдозер, кодөс кольөма респотребсоюзлөн леспрохоз. 1991-өд воөдз Югыдтыдорын сьлөн вөлі лесопункт. Уджөдө тракторсө пенсионер М.Г.Карманов. Абу кө жугалөма да ваясны кө Помөсдінсыянь ломтасмавтас, туй джынсө весалө төлысьнас кыкысь. Миян волігөн буретш

петалөма да бөрсө абу воөма кык километр, жугалөма туй шөрас. Мөд джынсө, кыдзи казтыштім нин, весалө Помөсдінса юкөн. Отарө жө дзоньталөны-дөмлөны техниканысө.

Тайө туйөд төлысьын өтчөд волө почталөн машина, кодї газет-журнал кындзи вайө пенсия да кутшөмскүрө сөян-юан. Корсүрө волөны и больничаса уджалысыяс. Гожөмын, кор почталөн машина пьськөдчыны оз вермы, почтасө да пенсиясө катөдө грездө локтысь. Кайлывлө и Діасёргяса юралысь А.А.Попова.

Талун Югыдтыдорын 11 керкаын олө 24 морт. 17-өн пенсионергяс, мукөдыс уджтөмалысыяс. Керкагяс унджык, но важөн нин овтөмөсө. Ийтөд кутөны таксофон отсөгөн, кодлы вынсө сетөны төв отсөгөн бергалысь генератор да шөндісыянь зарядитчысь батареягяс. Коркө вермөны сёрнитны, коркө оз. Лесопунктөн жө кольөм важник Т-55 тракторөн ваялөны пес да стрөйба выло вөр. Жугалө кө, өтвылысь корсьөны запчасьт да дзоньталөны. Вит во нин оз уджав дизельной электростанция. Сьлөн жугалөм бөрын районөн веськөдлысыяс эз на мыгчысылыны. Йөз ньөбисны ичөтик электростанциягяс. Сійө абу сөмын кык керкаын. Кор ковмас, сәки и 0зтылөны «асьсынысь» бисө, видзөдны телевизор либө пьславны көлуй. Эм сөмын өти уджалан места - ва ме-



райтан пост, көні бергөдчө Наталья Егоровна Карманова.

А.А.Поповакөд ветлөдлім керкагяс керкаө. Йөзкөд сёрнисыс төдмалі грездын воддза олөм-вылөм да талунгя төждгяс йылысь. Медводз жежалім Василий Дмитриевич да Александра Егоровна Кармановгяс ордө.

- Тані вөлі «Красная звезда» колхоз, - висьталіс Александра Егоровна. - Сәні видзлісны мөсыясөс, вөвгясөс, порсьясөс, ыжгясөс, вөдитлісны нянь. Вөлі школа, челядь велөдчисны сизимөд классөдз.

1957 воын колхозсө бырөдісны. Вермысь йөз медасисны уджавны Помөсдінса леспрохоз, кодлөн Югыдтыдорсыянь 21 верст сайын, Красной ярын, вөлі вөрсә неыджыд посёлок. Кык во мысти уджалан местаяс лоисны дона куа зверьясөс видзанінын, кодөс востыгис респотребсоюз. Но сизим во мысти сійөс тупкисны: видзөм выло мунис вывтй ыджыд рөскөд. Дона куа зверьясөс видзигөн Югыдтыдорын лоисны ыджыд вежсьөмгяс. Дизельной электростанциясыянь сетісны би, востыс аэропорт. Самолөтөн вайлісны быдсикас сөян-юан, паськөм да мукөд төваргяс эз сөмын Помөсдінсыянь, но и юркарысь. Вузасис 20 во А.Е.Карманова. Леонид Петрович Карманов 30 во вөлі аэропортса

начальникөн. Талун авиацияса ветеран Зоя Дмитриевна гөтырыскөд шойчөг вылынөс.

- Кор вөлі аэропорт, йөз ветлісны кытчө окөта, вайлісны почта и төвар. Сәки вөлі и бур туй, кодөс лөсьөдліс респотребсоюз. Сьлөн жө вөлі пилорама. Керкагясө би сетысь станция кындзи, вөліны ичөтик электростанцияс клублөн да аэропортлөн. Леспрохозлысь юкөн тупкөм бөрын ставыс кытчөкө «вопис». Районөн веськөдлысыяслы ми ог колөй. Бөргя вит вөсө некод нин эз мыгчысылы, - висьталіс Л.П.Карманов. Йөзөс кытшөвтөм бөрын юралысь А.А.Попова шуис:

- Вермысыяс кыдзкө да мыйкө олөны. Тані эмөс и инвалидгяс да өна пөрысь йөз. На дорө оформитам социальной юкөн пыр отсасысьясөс. Отсөг вичмас и уджтөмалысь том мортлы, сылы кутас воны сьөм. Сёрнитчам, да воласны больничаса уджалысыяс, вузасысыяс.

Оз уна көсйысь юралысь, но портгяс кө оломө көсйөмагяс, и то югыдтыдорсалы отсөг. Налы, дерт, медся өна колө туй.

Иван ТАРАБУКИН.

Авторлөн снимокгяс вылын: Югыдтыдор грезд; юралысь А.А.Попова сёрнитө А.Е.Кармановакөд; тракторист-бульдозерист М.Г.Карманов.



И ВЕРСТЬОЛЫ, И ЧЕЛЯДЬЛЫ

Куломдіннын воссис лыжион котраланін, коді меститчө школасянь и сиктсаянь матын, мый кивыв поснылы и верстьолы петавны иславны. Артыштны кө, районнын тайо витод нин.

Кыпөдіс базасө дзоньтасян да стрөйтчан өтиод номера трестлөн «Трансинжиниринг» котыр. Вөчисны «Коми республикаын физкультура да спорт совмөдө» республикаса программа серти республикалөн да «Газпром» котырлөн сьом вылө. Сувтис матө 12 миллион шайт. Тані эм став коланаыс тыр-бура ёнмөдчөм да лыжион котралөм могысь. Керкаыс благоустроитөма, артыштөма 20 места вылө. Лөсьөдөма тренажёрьясөн ёнмөдчан жыр, мыссянн. Лоас 2,5 километр вылө лыжион котралан югзьөдөм трасса.

Лыжион котралан база востигөн волісны куломдінса войтыр и карса госьтъяс, кодъяслы абу вөськодь

районнын спорт кыпөдөмыс да совмөдөмыс. Уна бур кывъяс висталісны та кузя районса юралысь С.П. Каплин, Коми республикаса физкультура да спорт агентствосыс И.И. Бусыгин, Куломдін администрацияон вөськодлысь И.В.Попов да мукөд. Пасйисны, мый уджыс та вылын оз сувт, спортивной стрөйбасяс кутасны кыпөдны и водзө. Сідз, локтан воясө босьтчасны лэптыны Доньин спортзал, кодөс сэтчөс олысьяс виччысыны нин кызы воясь дыр. Сэсся вочасөн шуисны кыпөдны и мукөд сиктъясын.

Выл востьтөм лыжион котраланін пырас ДЮСШ улө. Луннас занимайтчасны тані челядь, рыгъяснас да шойччан лунъясө - верстьояс. И тайо лоас матысса кадө нин, кор бырөдасны посни тырмытөмторъяс.

Галина НЕСТЕРОВА.
Авторлөн снимок вылын:
лыжион котраланін востигөн.

РЕСПУБЛИКАЛЫ 90 ВО ТЫРИГКЕЖЛӨ



Дзөлядырся кад коліс ылө, но паметын оло ставыс. Окота казътыштны Куломдінса Курича сиктысь медводдза номера детсад да сэтчөс воспитательясөс, кодъяс уджалісны эз өнія моз час лыд серти, а водз асывсаянь да пемдытөдз, сы вөсна мый уна челядьлөн бать-мамыс уджалісны сөрөдз.

Челядьлөн тайо керкаын воспитательён да вөськодлысьон медводдза лунсяныс уджаліс Анастасия Николаевна Попова, сиктса ногөн Сандрө Микол Наста. Бөрынджык, кор лоис уна челядь, 50 гөгөр, вөськодлыны

кутис Мария Кирилловна Попова.

Газетын йөзөдөм вылө вөзъя буретш тайо кадся снимок, кор уджалісны куим воспитательясөс, кодъяс уджалісны эз өнія моз час лыд серти, а водз асывсаянь да пемдытөдз, сы вөсна мый уна челядьлөн бать-мамыс уджалісны сөрөдз.

Видзөдла снимок вылас, и быттьө ловъясь сувтөны синъяс водзө войнакадся сьөкыд воясө олысь челядь. Ставныс куим арөсаяс, сөмын витөн школаө петысьяс.

Өнія детсадйын, дерт, овсө кыпыдджыка, быдторйыс эм, но, оломыс гудыртчис да, челядьыс этша. Ме шензьяла, кыдзи өти да кык воспитатель вермисны уджавны та мындаыскөд? Чипан-

пьян дорысь моз эз и петавны кытшысь, тшөкыда котыртлісны быдсяма вөрсөмъяс, петкөдлісны ывла вылө да с.в. Коліс эськө копыртчывны на водзын муөдз, но нимөдөм эз төдлыны.

Та дорө содта, мый шогманаон на вөлі детсад улын Ёгор Иван Степанлөн керкаыс, да эновтисны. А өні пөгибө воөмаось, мый челядьөс инавны некытчө. В.Гайзерлөн котырыс өна көсьысь кыпөдны выльясөс, но кор на кыптасны, кыптасны кө. Колө эмсө дзоньтавны да меститны челядьөс, медбать-мам оз майшасны.

Анатолий ПОПОВ.
Куломдін.



ПЫДДИ ПУКТАНА

ВӨЛІ ЕНБИА ВЕЛӨДЫСЬӨН

Көсья бур кывйөн казътыштны Скөрөдумсыс Евдокия Григорьевна Пашнинаөс - ыджыд енбия велөдысьөс, кодлөн кияс пыр муніс уна сө велөдчысь. Сійө абу нин ловъя, но коліс сьөлөмъясө.

Чужліс сійө 1931-өд вося март 14-өд лунө. Семьяын вөлі вит ныв да өти пи, сійө медся дзөля. Олісны өтсөгласөн, өта-мөдөс радейтөмөн. 1938 воын Скөрөдумса том йөзөс, тшөтш и Марья чойсө, мөдөдисны Мылдин районө экспедицияө, кытчө сійө и овмөдчис век кежлө. Олексей вокыс батыскөд уджалісны Вөллын кердорын.

Пуксис 1941-өд во, заводитчис шудтөм олом - война кад. Тайо жө воас апрельын вокыс муніс уджавны Сыктывкарө, лоис пароход вылын матросөн. Олексей вөлі ыджыд тушаа, ён, мича зонмөн. Рөдвужкөд аддзөдчывтөг 19 арөса том мортөс сентябрьн босьтисны война вылө. Молотовск карын (Архангельскөй обласьт) велөдчөм бөрын вөськаліс лыжной батальонө, лоис разведчикөн. Гижліс, мый декабр помын нуасны фронт вылө. Некутшөм юөр сэсся эз волы. Сідзи и вошис кытчөкө, кыдз шуласны, лы ни ку.

Декабр 3-өд лунө 50 арөсөн кувсис батыс, рам сьөлөма бур морт. Кад колөм мысти Агния чойсө мөдөдисны велөдчыны Жешартө фанера вөчысь. Александра чойыс уджаліс Помөсдінса яслиын, Людмила велөдчис сәні жө, оліс общежитиенын. Семья разаліс. Мамыс уджаліс пемдысянь пемдыдз, и нывкалы унаысь ковмыліс овны гортас өтһасөн.

Эз тырмы сөян, нянь пөжалісны быдсяма сорасөн: турунөн и качөн, картупель и капуста корйөн. Эз вөв истөг ни сов. Асывнас кодлөн пач трубасыс медводз чепөсьыліс тшын, сэтчө и ветлісны ки тыра сартасөн. Но олісны сөгласөн, өти шөгөн, өти гажөн.

Кык челядьөс велөдны мамлы лоис сьөкыд, а нывьяс велөдчисны бура да школа эновтөм йылысь эз мөвпавны. 11 арөса нывсө мам шуис мөдөдны Марья ныв дорас Ылздзін сиктө. Туйо петісны пошта коллыськөд. 180 верст кузя вөлөк вуджигөн суис рөспута, но места вылөдз воисны.

Велөдысьөс век пыдди пуктылісны, и Ылздзіннын 7 класс помалөм бөрын 1948 воын пырис велөдчыны Сыктывкарса педучилищө. Нель во бөрын диплома специалистөс мөдөдисны Кекурса начальной школаө. Во мысти, кыдзи водзмөстчысь комсомолкаөс, индिसны Пожөгса школаө старшой пионервожатойөн, а нөшта во кольөм бөрын бөрыисны комсомоллөн Помөсдін райкомса школа юкөнөн вөськодлысьон. Пырджык ыстанылісны ылі сикт-посёлокө командировкаө. Ёна ветлісны подөн, корсюрө босьтлісны кер кыскалан машина вылө, а Тимшер вожө вөөдчылісны верзьөмөн. Аслыныс гажа, теш да серам: кытысь нөшта аддзылан татшөм «джигитъясө»?

Куим во мысти Евдокия Григорьевна бөр вуджис уджавны школаө. Кырнышаын регыдик уджыштөм бөрын 31 во велөдіс челядьбөс Скөрөдумса школаын. Петіс вөрөс сійө,



лэптисны керка, чужисны челядь. Ань сьөлөмсяныс радейтис ассыс удж, став сямсө сетіс нывкаясөс да зонкаясөс бура велөдөмлы.

Школаын век вөлі велөдысьяслөн бур котыр. Олісны өткодь мөвпгясөн, өткодь төждьясөн-майшасьөмъясөн. Евдокия Григорьевна некор эз өтдортчывлы общественной уджысь. Унаысь посни челядьсө ковмывліс кольны ас кежсыныс либө медавны кага видзысьөс. Евдокия Григорьевна - уджывывса ветеран, война кадө тылын уджалысь, народной образованиеса отличник, эмбөс юбилейной медальяс, уна почөт грамота. Но медся донна сылы вөлі челядьлөн, бать-мамлөн, удж кузя ёртъяслөн пыдди пуктөм. Паныдасьлігьясөн пыр окотапырысь кывзылі сылысь важ олом йылысь казътылөмсө. Некор нинөм вылө эз элясьлы, а виставліс серамбана лөөмторъяс йылысь, кувтөдзис пыр шуліс, менам оломын пө век паны-

дасьлісны сөмын бур йөз. Победалөн 65 вося юбилей лунө велөдчысьяскөд волім чолөмавны Евдокия Григорьевнаөс ыджыд празникөн гортөдзис, сетім гөстинеч. Челядь висталісны некимын кывбур, сьылісны коми кыв вылын «Катюша». Олөма мортлөн доршасис синваыс, а сэсся лыддис ассыс кык кывбур, кодъясөс сійөма Победалы да Олексей вокыслы.

Казътылөмсө помала В.Лодыгинлөн кывбурьыс строкаясөн:

Шаня быттьө олі,
Нуи ассым крест.
Кодлыкө на-й колі,
Омөльбөс эг пөс.
Чужаніон кындзи
Нинөмөн эг пөт.
Мөдысь овны кыдзи? -
Некоді оз төд.

Александра ПАШНИНА,
школаса вөвлөм директор,
ветеранъяслөн сөветө пырысь.

Александр ШЕБЫРЕВ

КАССЯНА ВО

Зырөдiс кассяна во,
Уськөдiс, пласьталiс, туплялiс,
Шыбитiс корйöс моз со,
Няйтыскөд, бусыскөд суклялiс.

Сөмьн ме нинөм эг ло -
Дзолясянь вужъя да мыжöда.
Некор ме пикö ог во -
Сьөлөмöй төрөдö ыджыда.
Помöсдiн.

Анастасия ЕФРЕМОВА

ГИЖЫСЬЛЫ

Гиж, мый аддан. Гиж, мый кылан,
Гиж, мый öшйис сьөлөм вылад.
Ставсö гиж, мый юрад пуö,
Медым кывсö вырыд нуö.
Кут век юрад: «вöрыс тшöкыд»,
Гижан уджыд - медся сьöкыд.
Помöсдiн.

Александра БЕЛЯКОВА

МУСЛУН

Муслун локтö гусьон,
Он и тöдлы ачыл.
Лоан еджыд юсьон
Либö соччан пачын.

Шогөдас да - бөрдан,
Личалас да - радлан.
Унапöлс шортон
Муслун везсö гартлө.

Муслун син моз полысь,
Чуткысис - и эштис.
Аслад вырысь-лолысь
Бокөсö эн вешты.
Улыс Ярашью.

Наталья ТРАИЛИНА

ТЭ - МЕНАМ ШУДÖЙ

Тэ - менам шудöй, менам лолöй,
Тэ - энэж йирын югыд кодзув.
Тэ медся ёна меным колан,
Тэ лунсö восьтан синъяс водзö.

Тэ - югыд битор пемыд войын,
Тэ - менам медся мича вöтöй.
Тэ эм - и сьөлөм абу доя,
Тэ эм - и сынöднас ме пöта.

Тэ - арся вөрлөн зарни рöмыс,
Тэ - ытва, пос помöдз код волö.
Тэ эм - и оз ков меным сьöмыс,
Тэ эм - и сы вöсна ме ола.
Керчомъя.

Вениамин УЛЯШЕВ

ЯНСÖДЧÖМ

Ёнасö эн шогсы, дона ёрт,
Янсöдчам, но ог жö, көнкö, дзикöдз.
Менам дона, медся матыс ёрт,
Эн на мун да топыдджыка дзигöд.

Бара гожом колис, но и мед,
Абу на öd сийö медся бөръя.
Тадзи бурджык лоö мен и тэд,
Он öd, көнкö, кыськö мөдöс бөрйи.

Паныдасям, мыйон воас кад,
Водзö ов да сөмьн видзышт асьтö.
Тöда, мый тэ абу ёна рад,
Мунан да, көть гежöдика казътыв.

Ёнасö эн шогсы, мича ныв,
Янсöдчам, мед паныдасьны выльысь.
Он кө сьөлөм бердысь лым моз сыв,
Мусмам öта-мөдлы сөсся збыльысь.
Диасөргья.

ПЕТÖ ВОТОРНИКÖ, ЧЕТВЕРГÖ ДА СУБÖТАÖ.

Редакциялөн адрес: 168060, Кулөмдiн,
Ленин нима улича, Печать керка.

Редакциялөн расчөтнöй счөтыс -
40703810228040100028

Сыктывкарса 8617 номера Коми ОСБ-ын.
ИНН 1114000824

E-mail: sden2011@yandex.ru

Публикация материалов по освещению реализации социально значимых проектов осуществляется при государственной поддержке в форме субсидии Агентством Республики Коми по печати и массовым коммуникациям.

Пöся чолөмалам
Бадьёльйив сиктысь
Владимир Иванович
Пустоваловöс
Ыджыд юбилейон - **75 арöс тырөмөн.**
Муса бат, ыджыд бат, тесьт! Тайö гажа лунö
сиам тэныд ён дзоньвидзалун, кузь нэм да бур
шуд. Мед век лоан ставлы коланаон да пыдди
пуктанаон, бур сьөлөма радейтана мортон. Муодз
копырон ми шуам ыджыд аттьö тэныд став
бурсыс.

Нывъяс, зятъяс, внук, внучкаяс.



ТАЙÖ ВÖЛI ИЗЬВАЙЫЛЫН

Миян вожын гражданскöй война йылысь пасйышта мамлөн гижöдъяс серти.
1919 вося гожöмын еджыдъяс ыджыдалiсны Изьвайылын. Найö сэтчöс кулакъяс отсöгөн куталiсны Сöвет власьт дор мунысьясöс, коммунистьясöс да партизанъясöс, кызд вермисны тешитчисны на вылын, ёна повзöдлiсны сэтчöс олысьясöс. Кутöмъяслысь чегъялiсны ки-коккөс, перьялiсны синьясöс, сутшйöдлiсны штыкөн, вöйталiсны ловъявылысь Изьваö.

Еджыдъяслысь лыд да вын тöдмалöм могысь Помöсдiнын чукөртiсны кыйöдчан неыджыд котыр, кытчö пырисны Вольдiнысь Степан Михайлович да Алексей Егорович Уляшевъяс. Миш Степанöс (ичиньлысь верöсö) индiсны командир пыдди. Нöшта вöлины Помöсдiнысь Көнö Степан (красноармеец), Сордйылысь Карп Олексан (батылөн вок) да Евлогий Иванович Попов, Кырнышаысь Иван Егорович да Пётр Дмитриевич Курочкинъяс, Бадьёльйылысь Прокö Кирö да Пиля Миколай. Найö катiсны Эжва да Чер юас кузя, Переволок пыр вöдчiсны Изьва юа вылөдз да Изьвайыв деревня дорөдз. Переволокын локтысьясöс вочаалiс Дмитрий Дмитриевич Уляшев да висталiс деревнян еджыдъяслөн ыджыдалöм йылысь. Белöйяс поздысьмаөсь кулак Сергей Прокö керкаö. Öшинь улас ваялöмаөсь му, медым лыйсьыны сы сайсянь. Разведчикъяс матыстчисны сайöдчöмөн, но еджыдъяс казялiсны найöс, кутiсны лыйсьыны öшиньяс пыр. Разведчикъяс лыйисны воча. Тыш мунiс вит час чöж. Усисны Пилат Ёгор Иван да Прокö Кирö, Пиля Миколай ранитчис. Воштöмъяс лоисны и еджыдъяслөн, усисны нельөн. Сергей Прокöлөн керкаысь петавлiс кисö лэптöмөн ёна ранитчöм еджыд салдат, но сийöс эз прöститны, сiдзжö лыйисны. Лөнбөм бöрын еджыдъяс Сергей Прокököд ытiсны бумага, мед гөрдыяс сетчасны, но найö корисны сетчыны еджыдъясöс. Недыр лыйсьöм бöрын, кор еджыдъяслөн уси часовöйныс, найö босьтчисны петны Сергей Прокöлөн керкаысь öти бөрся мөд ки лэптöмөн. Разведчикъяс эз нин лыйсьыны, налөн помасисны патронъяс. Тайöс аддзöмөн еджыдъяс пышйисны деревняысь. Помöсдiнлань мунiгөн разведчикъясöс колльöдiсны Переволокöдз Изьвайывса олысьяс. Нывбабаяс кевмысисны, медым эз кольны найöс деревняö, полiсны, мый еджыдъяс бөр локтасы да кутасы тешитчыны. Но разведчикъяс эз вермыны кольчыны. Найö нуисны гортö усьомаясöс да ранитчöмаясöс, да и налөн эз нин вöвны патронъяс. Эжва кузя кывтiгөн сувтлiсны Вольдiнсьяслөн турун пуктанiнö, көнi вöлi Öлбö Паладьлөн ыджыд семьяыс да нуръясьыштiсны. Изьвайывса партизанъяс йылысь ыджыда гижлiс Павел Доронин. Сэтчöс олöма йöз бура на помнитöны сөкся тышъяс. Эмöсь на пöгибитöм партизансьяслөн ныв-пи, внукъяс. Ловъя и сөкся кулакъяслөн вужйыс. Көть и колис уна во, на костын пыр на овлöны зыксьöмъяс, öта-мөдöс увтыртöм.

Владимир ИГНАТОВ.

Сордйыв.

ООО «КОМФОРТ ПЛЮС»

- * Пластиковые окна
- * Аллюминиевые лоджии
- * Ремонт квартир
- * Замена оконных блоков
- * Рассрочка платежа

Пенсионерам скидки.

с. Усть-Кулом, ул. Центральная, д.1 (ПМК).

Тел. 8 912 123 24 07.

г.Сыктывкар, Октябрьский пр., 131/4 (т.ч. «Спутник»).
Тел. 8 912 86 33 278.

СТÖЧМÖДÖМ

Редакцияса уджалысь Г.И.Нестеровалөн мыж вöсна лоöма дöсэднöй öшибка. Эжва йывса славаын гижöма, мый Н.И.Михеев олö Сыктывкарын. Збыльвылас Николай Иванович кувсылыс Сыктывкарын 2009 вося апрель 6-öd лунö.

Редакция.

ПРОДАЮ

УАЗ-315120, тип кузова «фаэтон», бело-пепельного цвета, 1994 года выпуска.

Снят с учёта.

Цена договорная.

Тел. 8 904 238 90 08.

ООО «ОКНОКОМ»

Окна пластиковые.

Двери входные:

пластиковые, металлические.

Двери межкомнатные.

Беспроцентная рассрочка до 6 месяцев.

Пенсионерам скидки.

с.Усть-Кулом, ул.Гагарина, 5 (2-й этаж),
Тел.: 8 912 863 29 95; 8 922 272 32 89.

17 марта в РДК с.Усть-Кулом,

18 марта в ДК с.Керчомъя

с 9 до 18 часов

КИРОВСКАЯ ОБУВНАЯ ФАБРИКА

предлагает новую коллекцию

весенней ОБУВИ.

Распродажа зимней обуви. Головные уборы,

куртки. Распродажа шуб.

Предоставляется кредит.

17 марта 2011 года с 12 до 13 часов Усть-Куломский филиал республиканской общественной приемной Главы Республики Коми организует «прямую линию» и личный прием граждан по вопросам энергосбережения и энергоэффективности в жилищном фонде (оснащение домов приборами учета воды, тепловой и электрической энергии собственниками жилых помещений, ввод приборов в эксплуатацию). На вопросы ответит заведующая отделом территориального развития и муниципального хозяйства администрации МР «Усть-Куломский» Распутина Валентина Владимировна.

Телефон «прямой линии» - 94-4-85, личный прием будет проведен по адресу: с.Усть-Кулом, ул.Советская, 39, каб.7.

16 марта 2011 года с 15.00 до 16.30 часов в республиканской общественной приемной Главы Республики Коми состоится «прямая линия» и личный прием граждан по вопросам государственного кадастрового учета недвижимого имущества. На вопросы граждан ответят: Лобанова Татьяна Моисеевна - директор ФГУ «Земельная кадастровая палата» по Республике Коми; Зин Лариса Павловна - заместитель директора ФГУ «Земельная кадастровая палата» по Республике Коми; Носов Андрей Ананьевич - начальник отдела правового обеспечения ФГУ «Земельная кадастровая палата» по Республике Коми.

На личный прием к специалистам можно обратиться по адресу: г.Сыктывкар, ул.Карла Маркса 229, каб. 6 и по тел.: (8212) 285-298.

Итоговый финансовый отчет о поступлении и расходовании средств избирательного фонда кандидата выборы депутатов Государственного Совета Республики Коми" V созыва
Попов Вячеслав Васильевич
Восточный избирательный округ № 14

Строка финансового отчета	Шифр строки	сумма руб
1	2	3
Поступило средств в избирательный фонд, всего	10	0
Израсходовано средств, всего	190	0
Остаток средств фонда на дату сдачи отчета (заверяется банковской справкой)	320	0

Правильность сведений, указанных в настоящем финансовом отчете, подтверждаю, других денежных средств, минуя избирательный фонд, на организацию и проведение избирательной кампании не привлекалось.

Кандидат **Попов В.В.**

11.03.2011 г.

Главной редактор - 94-5-77; редакторöс вежысь - 94-8-64; бухгалтерия - 93-9-34 (факс); реклама юкөн, корректор, социальной проблемаяс да письмöяс юкөн - 94-5-80 (факс); экономика юкөн - 94-8-65; компьютерной юкөн - 94-3-60.

Газет регистрируйтöма Коми республикаын связьлөн, юөр сетан технологияслөн да массöвöй коммуникацияслөн юкөннын видзöдан федеральной службалөн управлениеён. Рег. номер - ПИ № ФС 3-0447.

Заказ 966. Тираж 2960. Индекс 52062. Объём 1 п.л.

Доныс взуös вьлö сёрнитчöм серти.

Поступающие материалы редакция не возвращает, перевод на коми с автором не согласовывает.

Перевод на коми с автором не согласовывает. Публикация материалов по освещению реализации социально значимых проектов осуществляется при государственной поддержке в форме субсидии Агентством Республики Коми по печати и массовым коммуникациям.

Главной редакторöс вежысь **Н. А. ЛЮТОВЕВ.**

Кырымалöма печатль 14 часын.
График серти - 14 часын.

Учредительяс:

«Кулөмдiн» муниципальной котырса муниципальной районлөн администрация, Коми республикаса печатльöн да массöвöй коммуникацияслөн агентство, «Кулөмдiн» муниципальной котырса муниципальной районлөн «Парма гор» газет редакция автономной учреждение.